



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-06-26-¹⁹⁸⁷⁵...../19
Sarajevo, 08.05.2019. godine

SKUPŠTINA KANTONA SARAJEVO

Predmet: Odgovor na zastupničko pitanje zastupnika u Skupštini Kantona Sarajevo Zvonke Marića

Zastupnik u Skupštini Kantona Sarajevo Zvonko Marić, na sedmoj radnoj sjednici Skupštine Kantona Sarajevo održanoj 17.04.2019. godine, u okviru tačke Dnevnog reda „Zastupnička pitanja, inicijative i odgovori“ postavio je sljedeće zastupničko pitanje:

„Budući da imam nepobitne dokaze o šteti koja je nanesena KJP „Sarajevo-šume” a i građanima Kantona Sarajevo, koji se odnose na krađu i svojevrсни organizovani kriminal, oličен u sječi preko 1000 stabala i to samo na jednom mjestu u Ilijašu, najljubaznije Vas molim da mi odgovorite na zastupničko pitanje - da li su provedene istražne radnje kako bi se otkrili počinitelji?

Molim Vas također, da mi odgovorite da li je izvršen inspeksijski nadzor i ako jeste, šta je tom prilikom ustanovljeno, i da li su poduzete mjere da se počinitelji kazne zbog ovog krivičnog djela? Podsjećam da je prema grubim procjenama ukradeno 1000 stabala što predstavlja 1000 kubika šume. Nije samo slučaj kriminalnih radnji na ovom području, već se ovakve krađe dešavaju i na administrativnim granicama između Sarajeva i Visokog, gdje je opustošena šuma, a da do sada niko nije odgovarao“.

Odgovor:

„Shodno zastupničkom pitanju zastupnika Zvonke Marića dajemo sljedeći odgovor:

U drugoj polovini aprila 2019. godine na jednom lokalitetu u Općini Ilijaš (čuvarski rejon broj 10) uposlenici Uprave za šumarstvo zapisnički su konstatovали da su bespravno posječena 153 stabla lišćara, te da je drvna masa otuđena od strane NN lica. Od ukupno naprijed navednog broja



bespravno posjećenih stabala u odjelu 10. odsjeku "a" Gospodarske jedinice "Donja Lepenica" ukupno je evidentirano 89 panjeva sa drvnom masom 6,07 m³ krupnog drveta liščara. Od toga 68 panjeva bukve mase 4,17 m³, 14 stabala johe mase 1,41 m³, 1 stablo d. trešnje mase 0,22 m³ i 6 stabala graba mase 0,27 m³. Svi panjevi su propisno kolobrojisani (obrojčeni) i žigosani ŠK čekićem broj 26, te uvedeni u knjigu panjeva broj 36/19 od rednog broja 155 do 243. Pored navednog na privatnoj parceli k.č. broj 978 K.O. Bioča evidentirana su 2 panja bukve drvene mase 0,59 m³ krupnog drveta, na parceli k.č. broj 1119 K.O. Bioča 3 stabla johe mase 0,26 m³ i na parceli k.č. broj 1013 K.O. Bioča 50 stabala graba mase 2,19 m³ i 9 stabala johe mase 0,53 m³. Svi panjevi su propisno kolobrojisani (obrojčeni) i žigosani ŠK čekićem broj 26, te uvedeni u knjigu panjeva broj 37/19 od rednog broja 194 do 252.

Obzirom da čuvar šuma uposlenik Uprave za šumarstvo na navedenom lokalitetu nije blagovremeno poduzeo adekvatne mjere zaštite šuma što podrazumjeva spriječavanje bespravne sječe, bespravnog prometa drvene mase, podnošenje prekršajne ili krivične prijave protiv počinioca, blagovremenog evidentiranja panjeva u knjige panjeva šumskih šteta, obilježavanje panjeva otiskom žiga šumskog čekića i obrojčavanje panjeva odmah je pokrenut postupak zamjene čuvara šuma sa ovog lokaliteta odnosno čuvarskog rejonu. Pored navedenog, pokrenut je postupak zamjene čuvara šuma u još tri čuvarska rejonu (2, 13 i 15) u Odjeljenju „Sjever“ koje pokriva područja općina Stari Grad, Centar, Vogošća i Ilijaš. Primopredaja navedenih čuvarskih rejonu vrši se komisijski uz obavezan pregled čitavog rejonu i zapisnički konstatovanja činjeničnog stanja u pogledu bespravnih sječa i drugih protupravnih radnji kako u državnim tako i u privatnim šumama. Po dobivanju konačnih izvještaja i obračuna šteta po odštetnom cjenovniku i cjenovniku KJP „Sarajevo – šume“ bit će pokrenuto utvrđivanje odgovornosti za uposlenike koji nisu poduzeli adekvatne mjere zaštite šuma i šumskog zemljišta.

U odjeljenju Sjever poseban problem predstavljaju bespravne sječe koje se odvijaju u noćnim satima neposredno uz granicu sa Republikom Srpskom, a iste se nastoje spriječiti angažovanjem patrola i dežura u noćnim satima.

U Odjeljenju Zapad koje pokriva područje općina Hadžići, Ilidža, Trnovo, Novi Grad i Novo Sarajevo jedan od lokaliteta (čuvarski rejon broj 12) na kojem su registrovane veće bepravne sječe je područje općine Ilidža uz administrativnu granicu sa općinom Visoko. Za prva tri mjeseca u 2019. godini rejonski čuvar šuma na ovom lokalitetu je podnio 6 prekršajnih prijave protiv lica koja su vršila bespravnu sječu i promet te je oduzeto (zaplijenjeno) i predato KJP „Sarajevo – šume“ 18,00 m³ drvene mase liščara. Tokom 2018. godine rejonski čuvari šuma koji su čuvali ovo područje podnijeli su 62 prijave za bespravnu sječu i promet drvene mase, te oduzeli 104,31 m³ drvene mase i predali KJP „Sarajevo – šume“. Neophodno je napomenuti da je u pomenutom čuvarskom rejonu (područje Rakovice, Zenika, Vele i Kobiljače) u 2018. godini evidentirano 5.058,93 m³ drvene mase koja potiče od bespravnih sječa iz ranijeg perioda (2016/2017 g.), a čuvar šuma koji je bio zadužen za ovaj rejon je suspendovan 2017. godine i protiv istog se vodi postupak na sudu. Na ovom području povećane su aktivnosti na zaštiti šuma, a protiv lica koja su vršila protupravne radnje podnesene su prijave ukoliko su zatečena u vršenju istih.

Bespravne aktivnosti (sječa i transport drvene mase) uobičajeno se dešavaju u poslijepodnevnom i noćnim satima, te u danima vikenda i praznika i nisu rijetki slučajevi fizičkih napada na službena lica-čuvare šuma, kao i stalne verbalne prijetnje.

Uposlenici uprave za šumarstvo nastoje povećanim angažmanom kao i organizovanjem patrola i to u poslijepodnevnom, noćnim, ranim jutarnjim satima, te u danima vikenda spriječiti bespravne sječe i bespravni promet drvene mase kao i sankcionisati počiniocima.

U dijelu zastupničkog pitanja koje se odnosi da niko nije odgovarao za bespravne sječe navodimo da je u 2018. godini Ministarstvo privrede - Uprava za šumarstvo podnijela 402 prijave za bespravne sječe i promet drvene mase, od čega je podneseno 8 zahtjeva za pokretanje krivičnog postupka za bespravnu sječu preko 2 m³ drvene mase i 394 zahtjeva za pokretanje prekršajnog



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226

Sarajevo, Reisa Džemaludina Čauševića 1



postupka (212 za bespravnu sječu i 182 za bespravni promet). Potrebno je istaći da od ukupno podnesenih prijava za bespravnu sječu i transport šumskih drvnih sortimenata na području Kantona Sarajevo samo za 14 lica je sačinjeno 70 prijava protiv kojih su podnesene dvije ili više prijave u činjenju bespravnih radnji. Naime, radi se o licima protiv kojih su i u prethodnim godinama podnesene prijave za bespravnu sječu ili transport drvene mase, odnosno radi se o višestrukim povratnicima u činjenju navedenih protupravnih radnji. Za navedena lica (imenom i prezimenom), a obzirom da nisu plaćali kazne po sudskim presudama, a kako nebi došlo do zastare zatraženo je od Općinskog suda u Sarajevu da donese mjere izvršenja. Po ovom zahtjevu Općinski sud u Sarajevu je obavjestio Ministarstvo privrede – Upravu za šumarstvo da je na osnovu uvida u podatke od Zavoda za zapošljavanje Kantona Sarajevo utvrđeno da se osobe iz našeg zahtjeva vode na evidenciji kao nezaposlene i da nemaju otvoren bankovni račun, te da ne mogu izvršiti obustave odnosno naplatu kazni. Samo u jednom slučaju obavješteni smo od Općinskog suda da je za jedno lice pokrenut postupak obustave i plaćanja kazni jer je imalo otvoren bankovni račun.

Neophodno je navesti da jedna od otežanih okolnosti u spriječavanju bespravnih sječa i transporta drvene mase predstavlja hronični nedostatak uposlenika u Upravi za šumarstvo po različitim osnovama (u 2017. godini četiri čuvara šuma i jedan kontrolni čuvar šuma su suspendovani do okončanja krivičnog postupka), velika otvorenost šuma i šumskog zemljišta kako šumskim tako i lokalnim putevima. Pojedini putni pravci su i asfaltirani u posljednjih nekoliko godina, te kao takvi su pogodni za bespravne sječe i transport drvene mase. Također ističemo da su po našem mišljenju prekršajne kazne za višestruke povratnike u činjenju protupravnih radnji iz Zakona o šumama male, a obzirom da počinioci iste ne plaćaju kao i da im se ne može izreći zaštitna mjera predstavlja problem Ministarstvu privrede – Upravi za šumarstvo u obavljanju poslova na terenu odnosno na zaštiti šuma.

Potrebno je napomenuti da Upravi za šumarstvo veliku pomoć pružaju uposlenici Policijskih uprava MUP- a, a posebnu pomoć smo imali od Jedinice za podršku MUP-a Kantona Sarajevo koja je u 2018. godini u više navrata pružila podršku uposlenicima Uprave za šumarstvo.

S poštovanjem,



Dostavljeno:

1. Naslovu,
2. Evidencija,
3. a/a.

4. VLADA KANTONA SARAJEVO

Pripremio: Kem



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

